

ԺԹ.

ՊՕՂՈՍ ՊԱՏՐԻԱՐՔԻ ԱՆԴՐԻԱՆՈՒՊՕԼՍԵՑԻ

Թաղուած է Երուսաղէմ, Ս. Փրկչի Եկեղեցւոյն գաւիթը, ունի շիրիմ, որուն արձանագրութիւնը բերել տուած եմ ես ինքս 1901ին, ահաւասիկ.

Այս է տապան հանգստեան
Պօղոս Ս. Արքեպիսկոպոսին
Անգրիանուպօլսեցւոյ, նախկին
Պատրիարքին Կ. Պօլսոյ և Սուրբ
Աթոռոյս հարազատ և բազմերախտ
միաբանի, որ ի հասակի իննսուն ամեայ
հանգեաւ ի Տէր յամի 1853
ի 5ն Մայիսի:

Ի.

ՅԱԿՈՒ ՊԱՏՐԻԱՐՔԻ ՍԵՐՈՒԵԱՆ

Իւսկիւտարի Ս, Խաչ վարժարանը շինողն է սա, որ Երուսաղէմ ուխտի երթալով հոն վախճանած է ու թաղուած Ս. Փրկչի Եկեղեցւոյն գաւիթը: Իւր շիրիմը կը կրէ հետեւեալ Արձանագրութիւնը.

Այս է տապան հանգստեան
Յակոբայ Ս. Արքեպիսկոպոսի նախ-
կին Պատրիարքի Կ. Պօլսոյ, որ եկեալ
յուխտ անօրինական տեղեայ հան-
գեաւ ի Տէր յամին 1862
ի 6ն Նոյեմբերի

ԻԱ.

ՍԱՐԳԻՍ ՊԱՏՐԻԱՐՔԻ ԱՆԴՐԻԱՆՈՒՊՕԼՍԵՑԻ

Թաղուած է Իւսկիւտարի գերեզմանատան Ս. Խաչի թաղը ու կարապետ Պատրիարքին քովը, ունի խիստ գեղեցիկ շիրիմ մը, ուրկէ քաղած եմ հետեւեալը.

Մահարձան

Տ. Տ. Սարգսի Սրբազան Արքեպիսկոպոսի Անդրիասնուպօլսեցոյ
և Պատրիարքի Կ. Պօլսոյ

Հանգիւր ոգիդ առաքինի, ընդ տխուր շիրմաւս անշուք.
Եւ զնոճեայ սգատերև առկախեցի քնար Որբեայ,